



DET KONGELIGE
KULTUR- OG KIRKEDEPARTEMENT

Gulaskuddanásahusat, gč mieldduslistta

Deres ref

Vår ref

Dato

2007/04536 ME/ME2 LaB:elt

12.02.2008

Gulaskuddan – rievadanevttohusat láchkaásahussii sámi aviissaid doarjagiid birra

Kultur- ja girkodepartemeanta bidjá dás ovdan evttohuvvon rievdadusaid njukčamánu 17. beaivvi 1997 mannosáš láchkaásahussii nr 248 sámi aviissaid doarjagiid birra. Gulaskuddančálus lea maiddáid biddjojuvvon Internehtti, geahča <http://www.regjeringen.no/kkd>

Departemeanta bivdá gulaskuddanásahusaid árvvoštallat galgá go čálus ovddiduvvot vejolaš vuolit orgánaide. Orgánat ja earát geat eai leat logahallanlisttas, sáhttet maiddáid addit gulaskuddancealkámuša.

Kultur- ja girkodepartemeanta dáhttu vejolaš mearkkašumiid oazžut mañimusat njukčamánu **26. beaivvi 2008.**

Vi bivdit ahte vejolaš gulaskuddancealkámušat sáddejuvvojit sihke čálalaččat ja elektrovnnalaččat dán e-poastačujuhussii postmottak@kkd.dep.no.

Duogáš ja dálá ortnet

St.proposisuvnnas nr. 1 (2007-2008) dadjá Kultur- ja girkodepartemeanta ahte rámmalassáneapmi poasttas 75 "Doarjagat sámi aviissaide" ja mearrádus ovttastit Áššu ja Min Áiggi mielddisbukta ahte lea "...dárbu ođđasit árvvoštallat sámi aviissaid preassadoarjjaortnega".

Gustojeaddji láchkaásahusa paragrafa 6 vuodul dahká departemeanta jahkásaččat juolludusa válđojuolgadeami buvttadusdoarjjan, julevsámi siidduid doarjjan (ráddjejuvvon bajás 1 % rádjai juollususas) ja vejolaš várrejuvvon doarjjan.

Buvttadusdoarjja lea juhkkovuvvon vuodđodoarjjan mii lea ovttastuoris buot ortnegii guoski aviissaide ja rievddaldeaddji doarjjan mii juhkkovuvvo dán mielde: aviissa buvttaduvvon almmuhanlohku geardduhuvvon aviissa buvttaduvvon sámegeiel teavsttaid siidologuin. Vuodđodoarjja dahká 90 % buvttadusdoarjagis. Golbma aviissa ožžo buvttadusdoarjaga 2007, Áššu oaččui 4.6 milj. ruvnno, Min Áigi oaččui 4.7 milj. ruvnno ja Ságat fas oaččui 4.1 milj. ruvnno.

Dan lassin oaččui Lokalavisa Nordsalten 138.770 ruvnno julevsámegeielat siidduid buvttadeapmái ja Nuorttanaste oaččui 250.000 ruvdnosaš várrejuvvon doarjaga.

Doarjjamálle evttohus

Doarjjamálle berre departemeantta árvoštallama mielde erenoamážit fuolahit guokte ášši:

- Ortnet berre leat einnostuhtti aviissaide. Danne evttoha ge departemeanta doalahit dan ortnega ahte doarjaga ávldooassi juhkkovuvvo vuodđodoarjjan mii lea ovttastuoris buot ortnega aviissaide.
- Ortnet berre speadjalastit ahte aviisabuvttadeapmi sámegeillii lea divraset go dárogielet aviissaid buvttadeapmi ja ahte sámegeielat aviissat lea mielde bisuheamen ja ovddideamen sámegeielaid.

Danne evttoha ge Kultur- ja girkodepartemeanta čuoovvovaš málle:

1. Buvttadusdoarjja juogaduvvo 85 proseanttain vuodđodoarjjan ja 15 proseanttain rievddaldeaddji doarjjan.
2. 2008 ja 2009 sirdásanortnegin juhkkovuvvo vuodđodoarjja guoktin ovttasturrosaš oassin main nubbi galgá geavahuvvot aviisabuvttadeapmái sámegeillii ja nubbi fas galgá geavahuvvot aviisabuvttadeapmái dárogillii.
3. Rievddaldeaddji doarjja addojuvvo, nu mo dál ge, dušše sámegeielat aviisasiidduid buvttadeapmái.
4. Dál rahppovuvvo vejolašvuohta ohcat doarjaga máttasámegeielat aviisasiidduid buvttadeapmái, dan dálá ortnega málle man mielde mii addit doarjaga julevsámegeielat siidduid buvttadeapmái ge. Doarjjavárrejuvvo julevsámegeillii ja máttasámegeillii ráddjejuvvo buohkanassii 2 proseantta sturrosažžan poastta juolludeamis.

Dát áddá čuovvovaš buvttadusdoarjaga juogadeami jagi 2008:

Aviissat	Buvttadusdoarjja	Simulerejuvvon	Erohus
	2 007	2 008	2007/2008
Ođđa sámi aviisa	9 381 794	10 453 096	1 071 302
Ságat	4 106 411	7 994 458	3 888 047
Submi	13 488 205	18 447 554	4 959 349

Evttohus addá departemeantta oaivila mielde dakkár juogadeami mii lea muttát aviissaid nuppástuhttinprošeavttaid sturrodaga ektui. Ságat oažžu sullii 3,8 milj. ruvno lasihit almmustahttima golmma geaddis vahkkui viđa geardá vahkkui (dat mearkkaša sullii 1,9 milj. ruvno juohke lassealmmuheapmái). Buohtastahttima dihtii namuhit ahte Ássu/Min Áigi oažžu sullii 1 milj. ruvno lasihit almmustahttima njealji beaivvis viđa beaivái vahkkui. Nuppe dáfus rehkenastá departemeanta ahte Ássu/Min Áigi oažžu jeargguštanvuoitto ovttasteami geažil.

Departemeanta ii evtto maidege rievdadusaid njuolggadusain mat gusket julevsámegiellat teavstta doarjagii ja várrejuvvon doarjagiidda. Dat mielddisbuktá earret eará ahte juolludeapmi várrejuvvon doarjagiidda árvvoštallojuvvo bušeahttaoktavuođas dábálaš vuogi mielde.

Sirdásanortnet

Min Ággi ja Áššu ovttasteapmi bohciidahtta erenoamáš gažaldagaid mat čatnasit 2008 doarjaga mearrideapmái. Ovttasteami maŋŋá ferte aviisa (mii lea ožžon nama Ávvir) formálalaččat rehkenastojuvvot ođđa aviisan. Gustojeaddji lánkaásahusa § 3 ektui ii galgga ođđa aviisa leat vuoigaduvvon oažžut doarjaga ovdalگو doarjjaeavttut leat ollašuhthtojuvvon unnimusat ovtta kaleanddarjagi. Dasto galgá doarjaga sturrodat mearriduvvot jahkásaš almmuhandávjodaga ektui ja buvttaduvvon siidduid dan jahkásaš logu ektui mii lei jagi ovdal doarjjajagi, ja dan han ii sáhte ođđa aviisa dahkat.

Danne evttoha ge departemeanta 2008 ja 2009 sirdásanortnegin, ahte doarjja rehkenastojuvvo *doarjjajagi* sámegiellat siidduid logu ja almmuhandávjodaga ektui. Preantolohkorevisor ferte dan geažil dárkkistit aviissaid čakčamánu go áigu mearridit almmustahttimiid logu ja sámegiellat siidduid logu. Vejolaš rievdadusat jagi loahpas lohkkovuvvojit go doarjja juhkkovuvvo maŋit jagi. Departemeanta vuordá ahte nuppástuhttin beaivválaš aviisan čađahuvvo guovtti jagis.

Mii evttohit dan lassin ahte spiehkastuvvo § 3 goalmmát lađđasa ovttajaginjuolggadusas go dat aviisa mas lea sáhka, ásahuvvo ovttastahtidettiin guokte aviissa mat guktot leat ollašuhthán doarjjaeavttuid unnimusat ovtta kaleanddarjagi.

Evttohus dagaha dan ahte lea dárbu rievdadit láhkaásahusa sámi aviissaid doarjagiid birra, geahča dán reivve mildosa.

Dearvvuođaiguin

Roy Kristiansen f.v.
ekspedišuvdnahoavda

Ellen Skjærsaker Tauland
ossodatdirektevra

Milddus